

1. Mer wünsche üch ne Engel för d'r Heimwäg.
Mer wünsche Üch ne Engel för de Naach.
Ne drette Engel, dat ehr fröh am Morje
sitt ohne Kopping, dankbar, früh un waach.
Ich wünsche üch drei Engel för zo wähsle,
domet die och ens Fiereovend han.
Et künnt jo sin, manch einer, dä fängk morje
allt widder met dem jekke Spillche an ...

Refrain: Kutt jot heim - Lückcher, "Jot Naach!"
Dräumt jot bes morje - Lückcher, "Jot Naach!"

1. Verjesst nit, Lück - ehr möt de Öhrcher spetze.
En Engelsharf mäht nur janz leis: "Schrumm.Schrumm".
Jewess, meer künnte off ne Engel bruche
Met Schellebaum un met ner decke Trumm.
Ich weiß et, un mer bruch allt nit zo beddele.
De Engelcher han mihts ne fruhe Senn.
Se dun bestemmp och jähn un lösting fiere.
Vielleicht sin se bei Üch he medden dren??

Refrain (2 mal)



"Kölsche Mess"

Sonntag, 23. Februar 2003

10.00 Uhr



in der

Katholischen Pfarrkirche St. Michael



Bergheim-Ahe

Zom Enzoeh spillt de Orjel

Dann singe mer: (Melodie GL 258 "Lobe den Herren")

1. Kutt Chresteminsche,
meer welle der Herrjott jetz lovve,
dä för uns do eß un lenk uns vum Himmel do bovve.
Mer hann un sin nix op de Äd ohne in,
loot dröm uns Treu im jellovve.
2. Us ganzem Hätze dunn Lovv hück
un Dank meer im singe.
Hä jov et Levve uns, un wat hä sähnt, deit jelinge.
Mer hann erkannt: Hä Hält uns all en der Hand.
Loot dröm ör Stimme erklinge.
3. Einer allein hät nit wöt jennoch,
Dank deer ze sage.
Dröm dunn meer all he und Dankwöt zosamme jetz drage.
Däm, dä uns lenk, welle no bes aan et Engk
Dank all un Amen meer sage.

Bejröbung

Pastur: Unsen Här soll met üch sin.
All: Uns och met deer.

Pastur: Do beß medden unger uns, ävver meer sinn dich nit.
All: Här, dunn uns doch verjevve.

Pastur: Do röfs uns, ävver meer höre dich nit.
All: Här, dunn uns doch verjevve.

Pastur: Do bruchs uns, ävver meer hann ken Zick för dich.
All: Här, dunn uns doch verjevve.

Pastur: Leeven Här, beß uns jnädich un dunn uns en Plaatz em
Himmel freihalde durch Christus, unsen Här.
All: Ame.

Refrain: Echte Fründe...

3. Do häs Pech; et jeiht dr Birsch erav.
Verjesse es all dat, wat do bishar jeschaff. Minsche, die dich vürher jot jekannt,
jevven dir noch nit ens mih de Hand.
Jetz sühs do, wä met Rääch sich Fründ jenannt.

Refrain: Echte Fründe...

Schlußjebett un Säje:

Pastur: Unsen Här soll met üch sin.
All: Unoch met deer.

Pastur: An Joddes es alles jeläje, och wann meer uns
Freud maache. Su soll singe Sähn met üch sin:
Dä Sähn vum Vatter un vum Sohn un vum Hellije Jeis.
All: Ame.

Pastur: Joht en Joddes Name!
All: Ame.



Vorstellung von däm Dreijestirn

Meer singe:

Prinz:

Eimol Prinz zo sin en Kölle am Rhing, in nem Dreijesteen voll Sunnesching.
Dovun han ich schon als kleine Fetz jedräump, eimol Prinz zo sin, suns häste jet versäump.

Bauer:

Op dem Maat, op dem Maat stonn die Buure. Decke Eier, fuhle Prumme, lange Mure.
Un die Lück und die Lück sin am luure, op die Eier, op die Prumme op die Mure.
En Colonia, En Colonia

Jungfrau:

O, wie bist du schön, O, wie bist du schön,
sowas hat man lange nicht gesehn, so schön, so schön!

Noh dä Vorstellung

Meer singe: **Echte Fründe**

Refrain:

Echte Fründe ston zesamme, ston zesamme su wie eine Jott un Pott. Echte Fründe ston zesamme, es och dih Jluck op Jöck un läuf dir fott. Fründe, Fründe, Fründe en dr Nut jon ,er hundert, hundert op e Lut.
Echte Fründe ston zesamme, su wie eine Jott un Pott.

1. Do häs Jluck, Erfolg un küss zo Jeld.
Dich kennt he op einmol Jott un alle Welt.
Minsche, die dich vürher nit jekannt kumme us de Löcher anjerannt, sin janz plötzlich all met dir verwandt.

Refrain: Echte Fründe...

2. Scholderkloppe, Bravo nimm kei Engk.
Mer fingk dich wirklich toll un drät dich op de Häng.
Jlücklich, wä sich do nit blende liet
un nit zo vell op schöne Auge jitt,
en jedem Fründe, ne richtige Fründe och süht

Zom Gloria

Meer singe: **Kumm, loss mer fiere!**

Refrain:

Kumm, loss mer fiere, nit lamentiere jet Spaß un Freud,
dat hät noch keinem Minsch jeschad.
Denn die Trone, die do laachs, musste nit kriesche.
Loss mer fiere op kölsche Aat.

1. Unser Zick, die es had jenoach kei Minsch weed dodrus klooch
wat he öm uns eröm passeet.
Wat ma so in d'r Zeitung liest mäht et Levve nit jrad söß.
Wä weiß schon, wie't morje wigger jeiht?
An dä Sorje schunkle mer schon nit vörbei!
Alles hät sing Zick, un nix es einerlei.

Refrain: Kumm, loss mer fiere ...

2. E Jeföhl, dat bruch sing Zick. Ov et Truur es oder Jlöck,
waad nit, bes do dich selvs verliers,
loss et erus, wann immer do kanns. Hey - Jeck, loss Jeck elans!
Un schamm dich nit, wenn do ens zünftich fiers.
Dä Lauf dr Welt, dä es uns nit ejal, doch et Levve es nit bloss e Jammertal.

Refrain: Kumm, loss mer fiere ...

3. Jedeilte Freud heiss dubbelt Freud, un dat deit richtich jot wan mer laache oder kriesche, dat rejelt kei Jebot!!

Refrain: Kumm, loss mer fiere ...

Dagesjebett**Lesung****Noh d'r Lesung:**

Lektor: Dat well d'r Här uns sage.
All: Här, meer danke deer.

Zwischenjesang

Meer singe: (Melodie GL 520 "Liebster Jesu, wir sind hier")

1. Jesus, Här, hör do uns aan,
loß ding Liehr uns rääch bjriefe;
Helf uns, dat meer jläuwen draan,
loß ding Wöt doch en uns riefte,
dat meer allzick un vun Hätze,
Här, op Dich uns Hoffnung setze.
2. Uns menschliche Verstand
deit noh Äde-Krom sich neije,
wann Do nit met faßter Hand
uns der räächte Wääch dies zeije.
Och de Kraff', jet Jots ze denke
muß do, Här uns selvs allt schenke.

Evangjelium

Pastur: Unsen Här soll met üch sin.
All: Un och met deer.
Pastur: Uns däm Evangjelium nohm hellije ...
All: Mer freuen uns Här, dat do zo uns sprichs.

No däm Evangjelium:

Pastur: Dat well der Här usn sage.
All: Ding Wöt, Här, machen et Hätz uns fruh.

Prädich

Kummeljon

Leed bei d'r Kummeljon: **Drink doch ene met**

1. 'Ne ahle Mann steht für der Weetschafftsdüür, der su jään ens einen drinken
däht,
doch hä hätt vell zu wendig Jeld, sulang hä och zällt.
In d'r Weetschaft es de Stimmung jroß, äver keiner süht dä ahle Mann,
doch do kütt einer mit enem Bier, und sprich en einfach an.

Refrain:

Drink doch eine met, stell dich nit esu ahn,
du steihst he de janze Zick eröm.
Häs de och kei Jeld, dat es janz ejal.
Drink doch met unn kümmer dich nit dröm.

2. So mancher sitz vielleicht allein zu Hus, dä su jään ens widder laachen dät.
Janz heimlich, da waat hä nur drop, dat einer zo im sät:

Refrain: Drink doch ene mit....

Noh dä Kummeljon

Meer singe: **Wenn wenn et Trömmelchejeiht**

1. Jedes Johr em Winter, wenn et widder schneit,
kütt d'r Fastelovend un mir sin all bereit.
All die Kölsche Jecke süht mer op d'r Stroß,
selvs d'r kleenste Pänz de weeiß, jetzt jeht es widder loss!

Refrain:

Denn wenn et Trömmelche jeiht, dann stonn mer all parat
un mer trekken durch de Stadt un jeder hätt jesaht:
"Kölle Alaaf, Alaaf, Kölle Alaaf!"

2. Jo, am Elfte Elfte jeiht dat Spillche loss,
Denn dann weed d'r Aap jemaht, egal, war et och koss.
De Oma jeht nom Pfandhuus, versetzt et letzte Stöck,
Denn d'r Fastelovend es für sie et jröbste Jlöck.

Refrain: Denn wenn et Trömmelche jeiht, ...

Meer singe: **Minsche wie mir**

1. Sundaachs em Veedel, et Wedder is schön.
De Zupp koch em Kessel, mer hört Kölsche Tön.
All sinse jekumme zo Raki un Bier,
och der Willi, der Ali, jo Minsche wie mir.

Refrain:

Minsche wie mir dun kriesche un laache,
Minsche wie mir sin nit jän allein.
Rütsch doch jet nöher, wie Fründe dat maache:
Minsche wie mir, jo Minsche wie mir.
La la la la, jo Minsche wie mir

2. Uns Oma, die kütt jrad mem Äpelschlot an,
Hammelkottlet lije kross en dr Pann.
Dr Büb spellt Flamenco, Jose singk Berbuer
Für et Lis, für Suleika, jo Minsche wie mir.

Refrain: Minsche wie mir ...

3. Sirtaki un Schunkle bei Kebap un Flönz.
Kumm rüver jet schwade, nu maach kei Jedöns!
Zick Johre do wunne mir he Dür an Dür,
un mir halde zesamme, jo Minsche wie mir.

Refrain: Minsche wie mir ...

Agnus Dei

Pastur: Do häß wie e unschöldich Lamm de Sünd vun der janze Welt
op duch jelade. Och uns Sünd dröck dich nidder.

All: Här, dunn uns doch verjevve. (2 mol bedde)

Pastur: Do häß wie e unschöldich Lamm de Sünd vun der janze Welt
op dich jelade. Och uns Sünd dröck dich nidder.

All: Här, jevv uns dinge Fridde.

Pastor: Loot he, et Joddeslamm, dat op sich nimp de
Sünd vun der janzen Welt.

All: Här, meer han et nit verdeent, dat do bei uns küß.
Ävver ei Woot von deer mäht Liev un Siel widder fruh.

Credo

Meer singe: (Melodie GL 257 "Großer Gott, wir loben dich")

1. Leever Jott, we jroß do beß!
Meer verneije uns en Ahndaach.
Wunderbar ding Schöpfung eß,
deef verihre meer ding Allmach.
/: Wie Do wors vör Ahnbejinn,
Jott so wees do iwich sin. :/

2. Allem, wat op dinger Äd
odemp, däm häs do et Levve,
Här, en dinger Majestät,
dinger Schöpferkraff jejevve.
/: Dröm Husanna singe meer
deer, do jroßer Jott, zo Ihr. :/

Förbedde

Meer singe jedesmohl nohm Vers vum Lektor:

Wann jeiht dr Himmel uch för mich widder op?
Wann jeiht dr Himmel widder op?
Wann schingk die Sonn ens widder,
simmer denn nit all he Bröder?
Wann jeiht dr Himmel widder op?

Jabenbereitung

Meer singe: **En unserm Veedel**

1. Wie soll dat nur wigger jon - Wat bliev dan hück noch ston
Die Hüsjer un Jasse. Die Stündcher beim Klaafe
Es dat vorbei ?
En d´r Weetschaft up d´r Eck - ston de Männer an d´r Thek
Die fraulückcher setze - Beim Schwätzje zesamme
Es dat vorbei ?

Refrain:

Wat och passeet - Dat eine is doch klor
Et Schönste wat mer han - Schon all die lange Jahr´
Es unser Veedel - Denn he hält man zesamme
Ejal wat och passeet - En unserm Veedel

2. Us Pänz die spille in dem Jras - Un fällt ens einer up de Nas
Die Bühne un Schramme - Die fleck man zesamme
Dann es et vorbei

Refrain: Wat och passeet ...

En unserm Veedel - Dat es doch klor
Mir blieve wo mer sin - Schon all die lange Johr
En unserm Veedel
Denn he hält man zesamme - Ejal wat och passeet
En unserm Veedel

Präfation

Pastur: Unsen Här soll met üch sin.
All: Un och met deer.

Pastur: Wo eß ör Hätz?
All: Et eß beim Här

Pastur: Lß meer unserm Här danke sage.
All: Su es et rääch.

Sanktus

Meer singe: (Melodie: Gehet nicht auf in den Sorgen dieser Welt)

1. Maat üch kein Sorje öm alles op der Welt,
sökt ihrz ens unsere Herrjott,
un alles andere, dat weed üch dann jeschenk, halleluja ...
2. Ihr sitt dat Volk, dat der Här sich usjesinn,
sitt eenes Sinnes un Jeistes,
ihr sitt jedäuf durch dä Jeis zu enem Liev, halleluja ...
3. Ihr sitt dat Leech in däm Düstere op dr Welrt,
ihr sitt dat Salz he op Ääde.
Denne, die söke, maat hell dä schwere Wääch, halleluja ...

Seite 5

Wandlung

Noh dä Wandlung

Pastur: Un dat es et Deeftse, wat mer jläuve.

All: Meer welle üvverall vun dingem Dud verzälle
un voll Freud roofe, dat Do nit em Dud jeblevve bes,
un meer saare dat esu lang, bes do en Herrlichkeit
widderküs.

Meer singe: (Melodie GL 964 "Fest soll mein Taufbund immer
stehn")

Chrestus, do häs met dingem Blot
de Schold vun uns jewäsche.
Do jiß uns widder neue Mot.
Nemm aan, Här, dat Verspreche:
Meer welle dunn, wat jot un rääch,
un blieven op däm jliche Wääch,
Dä do beß vörjejang.

Vatterunser

Pastur: No welle mer daz Jebett bedde,
wat der Här selvs uns aan et Hätz jelaat hät:

All: Leeve Vatter do bovve, dinge Name soll uns hellich sinn.
Kumme soll de Zick, wo se all op dich höre.
Wat do wells, sollen se all dunn, em Himmel un he op der Äd.
Jevv uns alledaachs, wat mer bruche, för satt ze wäde.
Un verjevve uns, wo mer schöldich jewode sin vör deer,
su wie meer denne verjevve, die uns wih dunn.
Maach et uns nit zo schwer, jot ze sin,
Un loß uns frei wäde vun all däm, wat nit jot eß.
Do beß der Här, do steis jroß över allem,
jetz un för immer un iwich. Ame

Pastur: Däm Här singe Fridde soll luuter met üch sin.

All: Un och met deer

Seite 6